

四庫全書

史部

欽定四庫全書

史部

欽定大清一統志卷三百八十八

八十三至  
八十八

主事臣汪彥博覆勘

總校官檢討臣何思鈞

麗

江

府

圖

# 麗江府圖





分  
三  
ハ  
ノ  
ノ  
三

麗江府表

麗江府

越舊郡西  
徽地

兩漢

三國漢

晉

宋

齊

梁

隋

唐

蠻名趙松  
詔蒙氏於  
此置麗水  
節度

宋

元

明

蠻名三聯

麗江路軍  
麗江軍民

民宣撫司府

至元八年  
洪武十五  
年改府後

立宣慰司  
改軍民府

十三年改  
屬雲南布  
政司

民總管府  
政司

二十二年  
府罷立宣

撫司屬雲  
南行省

通安州  
通安州

中統四年  
府治

立察罕軍  
管民官至

元十四年  
為州屬麗

江路

寶山州  
寶山州

唐虞部

段氏時置  
蘭溪郡屬  
大理國

蘭州

蘭州

憲宗四年  
屬察罕章  
平宮改屬  
管民官至  
元十三年  
仍屬慶府  
為州屬  
江蘇

巨津州

巨津州

至元十四  
年立州屬  
廣江路  
仍屬慶江  
府

臨西縣

臨西縣

至元十四  
年立縣屬  
府正統二  
年為番人  
所居并廢

至元十四  
年立賓山  
府仍屬慶江

縣十六年  
升為州屬  
廣江路



麗江縣鶴慶州

越巂郡西  
建寧郡

西寧州

寧州

寧州鎮

南寧州

州

越析論

廢些佳醪

農江路室  
機司

通安州

百漢益州  
郡地後漢  
永昌郡地

太和申歲  
勸封祐立  
謀統郡

鶴慶路軍鶴慶軍民	民府
府	

靈名牛聯

順州

至元十五	洪武十五
年為州屬	年改屬鶴
巖江路	慶府

又置剡州  
及木按州

劍川州

前漢益州  
郡地後漢  
永昌郡地

南詔置劍  
川節度義  
贊賧

劍川縣

劍川州

憲宗四年  
立義贊十  
戶至元十  
一年立縣  
屬鶴州  
洪武十七  
年升州屬  
鶴慶府

欽定四庫全書

欽定大清一統志卷三百八十二

麗江府

在雲南省治西北一千二百四十里東西距七百四十五里南北距二百九十里東至永

北廳界一百三十里西至怒夷界六百十五里南

至大理府賓川州界二百三十五里北至中甸界

五十五里東南至永北廳界三百二十里西南至

大理府雲龍州界六百三十里東北至永北廳界

四百八十里西北至維西界四百五十里

自府治至京師一萬一千七百六十里

分野天文東井輿鬼分野鶉首之次

建置沿革禹貢梁州荒裔漢越雋郡西徼地三國漢

為建寧郡晉以後為寧州隋屬雋州唐因之後入

於蠻為越析詔

唐書南蠻傳其先渠帥有六自號六詔南詔一曰越析詔又越析詔

居故越析州

南詔蒙氏置麗水節度宋時磨些蠻據此

元初擊降之

元史地理志麗江路兩漢至隋唐皆為越析詔二部皆烏蠻種居鐵橋貞元中其地

歸南詔元憲宗三年征大理從金沙江濟磨些負

固不服四年春平之明統志宋時為磨些蠻酋蒙錯錯所據

置察罕章管氏官

至元八年改為宣慰司十三年改置麗江路軍民

總管府二十二年府廢更立宣撫司

元史地理志於通安巨津

劍川州

前漢益州  
郡地後漢  
永昌郡地

南詔置劍  
川節度  
段氏改為  
義州

劍川縣

劍川州

憲宗四年  
立義州  
戶至元十  
一年立縣  
屬鶴州  
洪武十七  
年升州屬  
鶴慶府

欽定四庫全書

欽定大清一統志卷三百八十二

麗江府

在雲南省治西北一千二百四十里東西距七百四十五里南北距二百九十里東至永

北廳界一百二十里西至怒夷界六百十五里南至大理府賓川州界二百三十五里北至中甸界

五十五里東南至永北廳界三百二十里西南至大理府雲龍州界六百三十里東北至永北廳界

四百八十里西北至維西界四百五十里自府治至京師一萬一千七百六十里

分野天文東井輿鬼分野鶉首之次

為建寧郡晉以後為寧州隋屬雋州唐因之後入

於蠻為越析詔

唐書南蠻傳其先渠帥有六自號六詔南詔一曰越析詔又越析詔

居故越析州

南詔蒙氏置麗水節度宋時磨些蠻據此

元初擊降之

元史地理志麗江路兩漢至隋唐皆為越析詔二部皆烏蠻種居鐵橋貞元中其地

歸南詔元憲宗三年征大理從金沙江濟磨些負

固不服四年春平之明統志宋時為磨些蠻酋蒙錯錯所據

置察罕章管氏官

至元八年改為宣慰司十三年改置麗江路軍民

總管府二十二年府廢更立宣撫司

元史地理志於通安巨津

之間立  
宣撫司  
隸雲南行省明洪武十五年改麗江府三

十年改為麗江軍民府隸雲南布政使司

本朝因之屬雲南省領州二縣一

舊有土官木氏世襲知府雍正元年

改土設流木氏世襲通判府仍軍民乾隆三十五年設麗江首縣又改鶴慶府為州并所領劍川州

俱歸麗江府管轄

麗江縣

附郭東西距七百四十五里南北距一百里東至永北廳界一百三十里西至怒夷

界六百十五里南至鶴慶州界四十五里北至中甸界五十五里東南至鶴慶州界一百三十五里西南至大理府雲龍州界六百三十里東北至永北廳界四百五十里西北至維西界四百五十里



本朝因前明之舊為麗江軍民府治  
鶴慶州府

隆三十五年置麗江縣附麗江府  
東南三百五十五里東西距二百十里南北距一百七十里東至永北廳界一百二十里西至劍川州界九十里南至大理府賓川州界一百二十里北至麗江縣界五十里東南至永北廳界一百二十里西南至大理府浪穹縣界一百八十里東北至永北廳界四百八十里西北至劍川州界一百一十五里漢益州郡地後漢改屬永昌郡三國漢屬建寧郡唐初為越析詒地貞觀中屬南詔蒙氏開元時蒙氏置謀統府後為鄭買嗣所奪後唐據於楊干真後晉歸於段思平宋世因之元初內附置鶴州屬大理萬戶府至元八年置鶴慶路軍民府屬雲南行省明洪武中改為鶴慶府  
本朝初因改為州屬麗江府  
劍川州  
在府城南九十里東西距一百九十里南北距

二百四十里東至鶴慶州界四十里西至麗江縣界一百五十里南至大理府浪穹縣界一百九十里北至麗江縣界五十里東南至鶴慶州界四十里西南至大理府雲龍州界一百六十里東北至麗江縣界二十里西北至麗江縣界五十五里漢益州郡地唐時為羅魯城又名劍川顯慶初浪穹詔與南詔戰不勝走保劍川更稱劍浪治後為南詔所併置劍川節度宋段氏時改為義督臉元初置義督千戶至元中改為劍川縣屬鶴慶路明洪武十七年升為州屬鶴慶府本朝初因之乾隆三十五年

屬麗江府

中甸同知

在府北五十五里東西距三百六十里南北距五百六十

四里東至麗江縣界二百三十里西至維西界一百三十里南至麗江縣界二百八十四里北至四川里塘界二百八十里東南至麗江縣界一百五十里西南至維西界二百一十里東北至里塘界

一百二十里西北至維西界一百四十里本唐吐蕃鐵橋節度使地元為麗江路地明為麗江府地

本朝因之吳逆之變以地與達賴喇嘛雍正五年來屬移劍川州判駐防其地乾隆二十一年改

同知仍隸麗江府維西通判在府西北五十七里東西距麗江府

百三十五里東至麗江縣七十里西至川藏擦瓦岡界一千八十里南至麗江縣界二十五里北至

中甸界三百一十里東南至麗江縣界七十里西南至麗江縣界七十里東北至中甸界三百二十

里西北至川藏界七百二十里本唐吐蕃鐵橋節度使地元為麗江路地明為麗江府地本朝因

之吳逆之變以地與達賴喇嘛雍正五年來屬移鶴慶府通判駐防其地乾隆三十五年鶴慶改州

通判亦屬麗江仍駐維西

形勢橫連千里雄據九睨

明統志

天塹則金沙黑水地

利則鐵橋石門

通志

內固大理外控番戎山川明秀

險阻足據

舊鶴慶府志

金華為鎮劍水為帶左鎖石關

右截江嘴

劍川州志

風俗衣同漢制俗不獮澤板屋不陶焚骨不葬帶刀

為飾服食儉約

明通志

士習雅飭民風淳朴

舊郡志

城池麗江府城

周四里門五本朝雍正元年築乾隆十六年修

鶴慶州城

周四

里有奇門四濠深五尺明洪武十五年因舊址築永樂中甃以磚本朝康熙中修雍正七年重修

乾隆十六年又修劍川州城周三里門四池深五尺明洪武中築崇禎中甃以磚本

朝康熙中修雍正七年重修乾隆十九年又修中甸城周二里門四本

隆二十四年修又有阿敦子浪浪江其宗喇普維奔子欄格等四土城俱雍正八年築設兵駐防

西城周二里有奇門四本朝雍正六年築

學校麗江府學在府治北本朝康熙三十六年初建於府治東雍正三年改遷今地原

入學額數十五名乾隆三十五年添設麗江縣分撥七名存府學八名鶴慶州學在

治南明正德十一年建崇禎四年重建本朝康熙雍正中屢修入學額數二十名劍川州

學在州治南明洪武二十三年建本朝康熙中重修乾隆十一年移建城外西北隅入學額數

二十  
名 復性書院 在鶴慶州治東南又金華書院在  
劍川州西門外金華山俱明隆慶

年 建各州縣  
並設有義學

戶口 原額軍民人丁十二萬三百十七  
滋生人丁五萬八千九百二十八

田賦 原額民屯田地四千四百九十四頃八十一畝  
七釐地丁等銀九千四十三兩九分七釐糧一

萬二千七百六十八  
石四升二合九勺

山川 東山 在府城東二十里一名吳烈山峯巒起伏  
環拱郡治通志有吳烈山神祠在東山麓

黃山 在府城西二里府志峯巒秀美綴若聯珠為  
郡右翼民居市肆環繞其下中通二備為中

句維西 三台山 在府城南十五里府志  
要路 三峯聳秀為郡之景山 馬左聖山

在府城南三十五里土人畜牧之地

**象山**

在府城北五里形如伏象山下有泉府志即鶴慶州

漾共江源也

**阿那山**

在府城北二百七十里上有阿那和故寨又州北八十里有珊蘭閣

山

**珊碧外龍山**

在府城西南二十里孫峯聳翠多產箭竹

**雪盤山**

在府城西

南二百里四時常有積雪

**老君山**

在府城西南二百五十里府志高六七十里綿亘百里層

巖疊嶂插漢摩霄林樹蒙茸倏忽萬狀人跡罕至世傳老君修丹於此今山頂丹竈尚存又有梓潼

遺筆在巖上乃化書春光洩柳條之句山上龍潭凡九十犯之風雨輒至

**雪山**

在府城西北三

十里一名玉龍山條岡百里羣峯插雲山巔積雪經夏不消數百里外望之儼如削玉山下有池融

雪飛流盛夏寒冽不可逼視蒙氏異牟尋偕封為北嶽唐貞元中韋臯約雲南共襲土番驅之雲嶺

之外即此山外也通志雪山  
兩崖壁立金沙江貫其中  
**福源山**在府城西北  
二百五十里

**花馬**  
**山**在府城西北三百五十里崖壁上有石色斑斕  
類花馬因名昔磨些詔自名其國為花馬本此

通志元世祖滅大理時三賊土酋麥良內附破鐵  
橋之花馬國以功授職又金馬山在廢巨津州東

北二十里有石  
**漢數山**在府城西北五百里高萬  
五色狀如馬

**不可**  
**峰頂山**在鶴慶州城東十七里明統志峯巒  
起伏南接龍珠山北抵麗江界下有

五泉可以溉田舊府志一名石瑤山高三十餘里  
遠瞰洱水頂有佛寺郡人於三月望日投弓矢祈

嗣  
**覆釜山**在鶴慶州城西北五里為州鎮山形如覆  
釜峯巒秀拔南北諸山皆拱翼之又有

金燈山在覆釜山下亦名秀  
**逢密山**在鶴慶州城西  
二十五里三峯  
臺山其相抱者曰仰止山



入雲中有青元洞石孔玲瓏伏流相接頗稱奇  
境每歲六月六日遊人燃松炬而入乃窮其勝焉

**角山**

在鶴慶州城南二十五里以形似名桃樹江  
出其下峯巒突起為學宮賓山建塔於上為

文筆  
**龍珠山**

在鶴慶州城南三十里明統志前聳  
後平下有石穴漾共江過焉每歲四

月郡人祀之以禳水災俗  
傳昔有龍吸珠於此因名  
**天馬山** 在鶴慶州城南  
三十里其狀如

馬

**半子山**

在鶴慶州城南一百二十里產礦山北有  
泉自大凹中石床下湧出伏流半里許

出為二流民甚利  
之謂之仙女井

**湯乾山**

在鶴慶州城北三十里產紫石

**月山**

在鶴

慶州城東南二十里積石圓統形如半月又十里  
為龍華山林壑深秀石泉逆列上多梵宇一州之

勝觀  
**象眠山**

在鶴慶州城東南二十五里有石穴  
百餘潛洩漾共江之水入於金沙江

白虎通神僧贊陀崛哆以蒙氏保和十六年自西域來憫郡地大半為湖以錫杖穿象眠山麓為百

餘孔洩之湖水既消  
**朝霞山** 在鶴慶州城西南十  
民始獲平土而居  
里原名鹿阜以彩霞

朝見得今名又西南十里有宣  
**方丈山** 在鶴慶州  
化山又西南二里有馬耳山  
城西南一

百二十里巍然峻拔山半有洞中有池深不可測  
水滴巖下若金石音蒙氏琢觀音像於壁又改名

觀音山南詔名山十七此其一也南接  
**佛光寨山**  
照蒼去大理府浪穹縣界百四十里

在鶴慶州城西南一百二  
**三臺山** 在鶴慶州城東  
十里昔普顏篤作亂據此  
北十二里三峯

挺出  
**拱面山** 在鶴慶州城西北五里高百仞一峯  
故名  
聳秀拱向州治林密環映山多白石

瑩然如雪又西北二里有  
**青巖山** 在劍川州城東  
石寨山四面皆險頂稍平  
十五里上產青

石狀如**金華山**在劍川州城西一里山脈自番界翠屏

有紫氣如金為一州之鎮又城南**劍和山**在劍川州城西

四里山**金山**在劍川州城南有二山並峙一赤色形如劍

傳其地**夜合山**在劍川州城南二十里形**羊鼻山**不可耕

在劍川州城南二十五里一名南岡俗謂點蒼山落足於此又有石明月在州南一百三十里崖壁

上有白石如輪田**石寶山**在劍川州南五十里層間水映皎若明月

十畝昔為高僧養道之所中有羅漢跡州志山在州西南二十里有石自然具佛座獅像鐘鼓之形

梵剎凌虛花木叢匝最為奇**中山**在劍川州南五境明李元陽有遊石寶山記

十餘里石寶山

之南州志巖石壁立鷄為梵像數百莊嚴經久不變謂之中山石佛旁有石如羣蛙俗呼為聽法蛙

又有峻崖名金樓鷄在中山南二里石面有巨人掌跡其狀大如箕

**石羅摩山**在劍州

東北七十里峯高百餘丈屹立如巨人狀又名將軍山

**梭石坡山**

在維西通判治北三

百餘里亂石如梭

**白芝山**

在維西通判治西北四里冬春積雪

**文壁峯**

在鶴慶州城東十里羣峯秀異

**七坪峯**

在鶴慶州城南七十里通志在龍珠山東南

**筆**

**架峯**在鶴慶州城東北二十里三峯並峙中峯特出如筆架

**南松嶺**

在鶴慶州南二

里

**大孟巖**

在鶴慶州城東南一百三十里石壁橫亘三十餘里形如城郭上多古樹幽禽

其相近又有煉場巖

**大成坡**

在鶴慶州城東南六十八里頂有泉深廣

尺許不溢不涸謂之一碗水其西又有小成  
坡為舊順州及大理府并永北廳之孔道 金斗

坡

在鶴慶州城西南五十里下有銀泉

紅土岡

在鶴慶州城西南十八里

怒江府

城西四百五十里通志源出西域經怒夷地故曰  
怒江入府境西訛為潞江又南經野人界入永昌

府境府志瀾滄江怒江俱在蒙氏借封四瀆之內  
按輿圖源出西二十六度北極出地三十四度

之布喀鄂模番中大澤也西北流折而東南連滙  
為澤東南流會諸水經數千里從怒夷界流入府

境

瀾滄江

在府城西南四百五十里明統志源出  
吐番嵯和歌旬流經舊蘭州西北三十

里李元陽黑水考禹貢導黑水至於三危入於南  
海隴蜀之水無入於南海惟滇之瀾滄江路江二

水皆由吐番西北東與雍州相連接其水皆入南  
海然怒江西南流蜿蜒緬中內外皆夷於梁州境

若不相屬惟瀾滄由西北迤邐向東南徘徊雲南  
郡縣之界至趾入海今水內皆為漢人水外則  
為夷緬禹之所導於以分別梁州界者惟瀾滄之  
水足以當之元史至元八年大理勸農官張立道  
使交趾并黑水跨雲南以至其國此亦一証隴  
蜀滇三方龍立雍以黑水為西界對西河而言也梁  
以黑水為南界又對華陽而言也惟三危之山不  
可攷耳禹貢錐指瀾滄居河源之東黑水自三危  
而南則必入於河矣安能越河而南與瀾滄相接  
以入南海瀾滄非雍州黑水之下流甚明滇志瀾  
滄江源出嵯和歌甸之鹿石山一名鹿滄江亦曰  
浪滄江亦作瀾滄水南入大理府雲龍州界按  
輿圖源出西二十二度北極出地三十四度土名  
苦克噶巴阿林之東北卓爾長阿林之西二源合  
而東南流會諸水經蒙番怒界入府境你  
邛山西又南經樹苗汛小甸塘上江汛西

金沙江

在府城西北三百二十里源出吐番界自舊巨津  
州流入府境環三面流入廢寶山州境繞而南入  
鶴慶州界又南流而東折入大理府界即古若水  
也又名神川山海經南海之內黑水之間有木名  
曰若木若水出焉酈道元水經注若水之生非一  
所也黑水之間厥木所植水出其下故水受其稱  
焉若水沿流間闕蜀土唐書南蠻傳貞元九年南  
詔異年尋大破吐番於神川遂斷鐵橋又吐番破  
麟州韋華督諸將分道出或經神川納川元史地  
理志麗江路因江為名謂金沙江出沙金改云源  
出吐番界今麗江即古麗水憲宗三年征大理從  
金沙江濟明統志古名麗水源出吐番界犁石下  
名犁水流經巨津通安寶山三州明張機金沙江  
源流考金沙源出吐番共隴川犁牛石下謂之犁  
牛河即古麗水其流經吐番鐵城橋東經麗江府  
巨津寶山二州又東經鶴慶永北姚安又自武定

府北界經犁溪州蒙氏僭封四潰之一即此  
輿圖金沙江源最遠其地在西二十七度半北極  
出地三十五度零土名勒罵烏藍打普蕪阿林東  
麓東南流會諸水經蒙番界入府境西北邊界之  
塔城關東又東南經巨甸汎東又東南經橋頭汎  
北又南經石鼓汎北又東北經石門關阿喜汎北  
又東北統雪山北麓而東南流又南經府境東東  
北受無量河水又南流入鶴慶界其源較黃河源  
所出又漾共江在鶴慶州城東五里一名鶴川濶  
遠過之盪折五十餘里溪流泉水趨赴於此其自西北來  
會者曰石洱河自東北來會者曰大水漾泉自西  
來會者曰落鐘河長庚河溫水河銀河桃樹河至  
象眠山麓羣峯環合渚而為湖名漾共湖入石穴  
中伏流三里而出名老君潭水在府城西二百五  
腰江東流入金沙江



入劍川州境  
注於劍湖

**鸚哥水**

在鶴慶州東南七十里水自石崖注下常有鸚哥懸崖仰

飲故

**巖場水**

在劍川州西一里源出老君山流入劍湖

**春水**

在劍川州南七十里

沙雞村每春水盛有硫黃氣郡人於三月間和鹽梅椒葉飲之謂能祛疾

**長庚河**

在鶴

慶州南十里源出城西黑龍潭州南田多資灌概舊志在城西南黑泥哨南至長康里名長康河東

流注漾

**溫水河**

在鶴慶州南十五里源出宣化山麓合州東南三莊河入漾共江

**南供河**

在鶴慶州南二十里一名銀泉發源金斗坡瀕河為大溝引水而北者四引水而南

者二謂之南供渠溉田數萬亦東流入漾共江

**桑木箐河**

在鶴慶州城南一百十里源出

馬耳山流

**落鐘河**

在鶴慶州城西南五里源出朝霞山之龍湫戡官道而東上有

落鐘橋相傳唐時有僧自葉榆舁所鑄元桃樹河  
化寺鐘歸及橋鐘墜水中取之不獲因名桃樹河

在鶴慶州城西南二十五里源出多角山流  
入南山巖穴中居民引水溉田謂之桃樹渠觀音

山河在鶴慶州城西南一百里源出黑泥山  
神二哨入大理府浪穹縣會天寧河石洱

河在鶴慶州城西北十里源出石  
寨山會白龍潭水為石洱河大橋頭河在劍

東二里即古之合會尾江亦曰  
黑惠江南入劍湖遇潦泛溢桃羌河在劍川州

東南流入沙溪河在劍川州南六十里源自劍  
於漾濞江湖流出南流會彌沙浪河彌

沙浪河在劍川州南一百里白水場與劍湖  
水匯而南流入大理府浪穹縣界西湖

在劍川州西一里金華山麓秋水時與東湖相連  
沿湖堤岸柳烟霏翠華山倒影至冬水落民始播

種下流入大理府浪穹縣界

**劍川湖**

在劍川州南五里亦名東湖周廣六十里尾繞羅魯

城流為漾鼻江亦曰漾溪江俗呼為海子歲辦魚課州志劍川在州南十五里即劍湖之尾曲流三

折形如川字故名

**羅牧社海**

在鶴慶州城西十里觀音山西周迴八里舊有魚課隸劍

川州河泊所

**清溪**

在府城東十里即漾共江之上源也有二源一出東山一出雪山至府東

東圓里合流繞府治南淮既甚溥舊志清溪源出雪山會清源渠象二水流入鶴慶界為漾共江

**白石溪**

在府城西二百里中多白石下流入瀾滄江

**龍潭**

在府城西南十里廣數畝

深不可測四畔草結如葑牌履及一方皆動人或近之風雨輒起故名 **大水潭** 在鶴

東几里一名大水漾泉出東 **龍潭** 在鶴慶州者十山麓周二百餘丈溉田甚溥 **龍潭** 五其流入漾共

江者曰黑龍青龍白龍西龍龍寶吸鍾石朶香米  
北溪柳樹又曰小柳南曰赤土和曰宣化流入金

沙江者曰龍公停蓄極深者曰大龍皆隨地行注  
民田賴之在劍川州者九曰老君曰易堤坪曰仙

女煉曰隔溪曰建和曰白雞陀俱流入劍  
湖曰花叢曰白龍曰青龍俱流入湖尾 諸葛泉

在鶴慶州南一百四十里羅陋村相傳  
諸葛亮駐師之地泉均二流甚為民利 白石美泉

在鶴慶州城北十里又小柳場泉在城東北  
十五里西墩泉在城東北三十五里 溫泉

劍川州境內有二一在州南五里一在  
州西一百五十里此盈彼涸互為消長 靈泉

南五十里出石寶山頂石巖中甚寒冽  
不涸不盈每春遊人飲之謂可愈疾 石菜渠

川州南雅 諸葛池 在劍川州北四里相傳  
概甚博 諸葛亮南征飲馬於此 龍馬井

在鶴慶州東南一百里水甘冽又城西南八里有苦提井城南一百三十里有仙女井

鹽井

在劍川州西南一百四十里為橋後井在州西南一百五十里為彌沙井有鹽探司

### 古蹟通安故州

今府治元置屬麗江路元史地理志通安州在麗江之東雪山之下昔名

三賧僕緝蠻所居其後唐岑蠻葉古乍奪而有之世隸大理憲宗三年其二十三世孫麥良內附中統四年以麥良為察罕章管民官至元九年其子麥兀襲父職十四年改三賧為通安州通志今府治在大研廂明洪武十六年土知府

寶山故州

在

本得修建本朝省通安州入府城東二百四十五里元置屬麗江路元史地理志寶山州在雪山之東麗江西來環帶三面昔唐岑蠻居之其先自棲頭徙居此二十餘世世祖征大理自卡頭濟江由羅邦至羅寺園大園等寨其酋

內附名其寨曰察罕和囉噶至元十四年以大厓等七處立寶山縣十六年升為州明統志唐時唐

些蠻兄弟七人據七寨曰大厓曰囉邦曰囉寺曰礙場曰下頭場曰當波囉場曰當將郎俱在寶山

州境府志元初內附後改州明因之本朝故蘭省入府和囉噶舊作忽魯罕今改正之

州

在府城西南三百六十里元置屬麗江元史地理志瀾州在瀾滄水東漢永平中始通博南山

道渡瀾滄水置博南縣唐為盧鹿蠻部至段氏時置蘭溪郡隸大理元憲宗四年內附隸察罕章管

民官至元十二年改蘭州明統志唐時盧蠻所居名羅眉州閣羅鳳嘗徙之於善闡陽城堡宋時段

氏以董慶者治之後有周姓者強盛遂與董分為二部以江為限洪武十五年嘗改屬鶴慶後仍屬

麗江府在府西三百六十里本朝省入府巨津故州在府城西北三百里元置屬麗

江路元史地理志巨津州昔名羅波九賧北接三川鐵橋西隣吐番按唐書南詔居鐵橋之南西北

與吐番按今州境實大理西北限要害地唐些大首世居之憲宗三年內附至元十四年於九賧立

巨津州蓋以鐵橋自昔為南詔吐番文會之大津渡故名府志古西番地唐時為羅波九賧攏盛二

蠻所居後唐些蠻奪其地南詔又并之屬麗水節度元初內附後改置州明因之本朝省入府

鐵橋城

在府城西北舊巨津州北一百三十里鐵橋南唐書天寶初南詔叛唐於唐些九賧

地置鐵橋跨金沙江以通吐番來往之道貞元十年異年尋歸唐襲破吐番鐵橋十六城十五年吐

番襲南詔分軍屯鐵橋南詔毒其水人畜多死元史地理志唐些二部皆烏蠻種居鐵橋明統志鐵

橋之建或云吐番或云隋史萬歲及蕝榮或云南詔閣羅鳳畢年尋歸唐時斷之以絕吐番地有鐵

橋城吐番嘗置鐵橋節度於此府志橋所跨處穴石銅鐵為之冬月水清猶見鐵環在焉城在鐵橋南吐番十六城之一今遺趾尚存

### 白馬寨

在府城西北明統志在巨津州南二里唐姐羌

白馬氏之

### 劍川故城

在劍川州境元史地理志劍川縣治在劍川湖西夷云羅

魯城按唐史南詔有六節度劍川其一也初蒙氏未合六詔時有浪穹詔與南詔戰不勝遂走劍川更稱浪劍貞元中南詔擊破之奪劍共諸川地其酋徙居劍賧西北四百里號劍羌至段氏改劍川為義督臉憲宗四年內附七年立義督千戶至元十一年罷千戶立劍川縣隸鶴州明衛炳州治記元初高氏請劍川為縣今柳龍充即其治元季土酋楊慶要於雲南梁王以縣為州洪武十四年戡定雲南沿舊為縣未幾普顏都旅拒慶弟楊奴潛詣軍門款附因命知州事而劍川還復為州即上



登之廣明寺為治尋又創治於下登羅魯城背山阻水險僻秋濫遂負固以起妄圖克平後仍於廣

明寺設州二十三年州判趙彥良遷治於柳龍充始復舊制州志羅魯城在州南十五里唐時有此城

即瓦窰村址羅望德城在劍川州南三里周五百畝蠻云海也望德城在劍川州南三里周五百

水寨村又東北六十里有達廢副州在鶴慶州境子城即蒙古入大理駐師處廢副州元置明初省

明統志州境有廢副州及廢木廢鶴慶所在鶴慶按州二州皆元置而元志不載廢鶴慶所在鶴慶

明洪武二十年建隸大理衛本朝康熙松桂營在熙五年裁今州北門月城即舊守禦所松桂營在

慶州城南六十里明傅友清涼閣在鶴慶州城南德征佛光寨駐兵於此清涼閣一里閣下有池

中壘石山清虛閣在鶴慶州城北八里明知府馬前架小橋清虛閣在鶴慶州城北八里明知府馬

山麓山亘數十里最高一峯名金山頂下流泉注  
匯為白龍潭閭西東侵水潭二丈許左洲右石

象跪石

在鶴慶州城北八里石如狼牙相傳元世  
祖自麗江石關乘一白象至此象跪不行

因名

關隘雪山門關

在府城北明統志在巨津州東北舊  
名越滅根關當吐蕃唐時之界極為

險峻石門關

在府城西一百二十里唐書韋皋傳貞  
元九年皋遣幕府崔佐時由石門趨雲

南復通石門南道明統志傳友德畧定麗江破石  
門關明史洪武十八年巨津州土酋阿奴聰叛襲

劫石門關吉安侯陸仲亨討之復其關二十四年  
木初守巨津州石門關與西番接壤既襲職無守

之者沐英請以初之弟虧為千夫長戍守從  
之通志明洪武十七年置巡司守禦今裁  
坵塘

關

在府治舊寶山州境一作泥塘關通志在府城西二十里郡之門戶又有把塘關在巨津州北

境俱與蒙番分界

宣化關

在鶴慶州城南二十里宣化山上舊有巡司今裁

觀音

山關

在鶴慶州城西南一百二十里明初置巡司今裁

在城驛

在鶴慶州城南明洪

武十五年設土驛丞今裁

津梁東圓橋

在府城東南五里跨清溪上以石為之

萬鈞橋

在府城南三里金

沙江渡

在府城東舊志府境自鐵橋而北有其琮渡口今為蒙番所據自鐵橋而東南有各

橋頭渡口又南有喇沙漢渡口又東有阿喜渡及金沙江大渡口過雪山而東至故寶山州北有大

其渡口又東有俸可渡口俱在金沙江上今皆禁止不得私渡惟府東井里渡口通住來與永寧土

府接界又鶴慶州有東山橋在鶴慶州城東五里  
金沙渡口達永北廳

橋  
金燈橋 在鶴慶州城東南二十里  
跨鰲橋 在鶴慶州城南一里又里許為新生

橋又南有迎貴橋又城南鶴川橋在鶴慶州城南十里地名長康

里為往來通衢又南四里為石固橋又南有永  
濟橋又有齊川橋又南二十五里有通濟橋天

生橋在鶴慶州城南一百二十里又南五里為觀音山橋鎮遠橋在鶴慶州城西門外

又西四十里周官屯橋在鶴慶州城北七里又北八里有象跪石橋又逢密

橋在城西三十里  
勸農橋在劍川州東一里又  
羅城橋在劍

川州南十五里又南十  
里為桃羌橋跨桃羌河  
柳色橋在劍川州北半里  
相近者為巖江頭

橋  
顛場頭橋

在劍川州北十  
五里達府城

堤堰龍寶堤

在鶴慶州境龍寶  
潭下周四百餘丈

西墩泉堤

在鶴慶州  
境內小

柳場壩

在鶴慶  
州境

老君水壩

在劍川州西舊有  
上下二壩今廢

陵墓明段高選墓

在劍川州  
西門外

楊朝棟墓

在劍川州石  
龍山西南三里

祠廟北嶽廟

在府城西北二十里雪山麓相傳昔有  
人於山中得異石負而歸至此火憩重

不可舉鄉人神之為立異石祠及封山為北嶽以  
此石為嶽神元世祖封為大聖北嶽定國安邦景

帝至今  
祀之

水洞祠

在鶴慶州城  
南象眠山下

西龍潭祠

在鶴慶州  
城西又龍

寶黑龍白龍  
諸潭皆有祠

武侯祠

在劍川  
州北

頽川侯廟

在鶴慶州  
城南松桂

營祀明昭忠祠在劍川州西門明萬歷間勅建祀段高選

寺觀福國寺

在府城西北雪山西南麓府志舊名解脫林明天啓時賜此名龍華寺

在鶴慶州城東南十八里元至正中建元化寺在鶴慶州城西南半里昔蒙氏因梵僧咼

哆卓錫通水蘭若寺在鶴慶州境觀音山驛西南三里中有石洞極深飛泉瀑

布石龍寺

在劍川州南五里石壁之上有生成觀音像廣明寺在劍川州南十

里蒙氏時建積慶觀在劍川州西南三里明洪武間建萬松觀在劍川州西二

里太元宮在鶴慶州城南明隆慶間建規制宏敞藻繪奇麗為州境寺觀之最

名宦元章吉特穆爾

麗江人從世祖征大理屢戰有功賜名章吉特穆爾升北勝府

知府兼管麗江宣撫司事民夷咸服  
章吉特穆爾舊作章吉帖木令改正之  
**麥良** 父宗

見人

物良附世祖為察罕章管民官擒段興智功列烏  
哩特哈達之右以副元帥佩虎符鎮磨些又破鐵

橋城花馬國加授銀印為提調諸路統軍  
司烏哩特哈達舊作兀良合台今改正  
**明阿得**

元時麗江宣撫司副洪武十五年兵下雲南率眾  
歸附改姓木十六年開設府治授麗江知府本年

西番劫瀾滄江得引兵却之又從指揮破石門關  
寨授世襲土知府又從吉安侯征巨津擒阿奴聰

於吐番斬偽元帥朱保得  
**高賜** 鶴慶人仕元為義  
死子初襲從征麓川有功

附從征佛光寨招諭未附者以  
軍儲助餉授通安州同知世襲  
**羅克** 蘭州人仕元

中率眾來歸以軍功授蘭州土知州其  
孫羅才從木初征伯刀于孟亦若軍功  
**木增** 阿得

孫萬厯間襲麗江知府值北勝州搆亂增以兵擒  
首逆高蘭三殿鼎建輸金助工增陳十事下卽議  
可朝廷嘉其忠誠特陳敬鹽城人洪武中署劍川  
加叅政秩給誥命

林適節

蒲田人厯官瀘州知府正統間鶴慶土知  
府高倫暴虐靖遠伯王驥奏革之薦適節

為流官知府撫蠻民有恩壇廟驛鋪多所脩建胡信丹徒人正統間知鶴  
學道士王珉錢塘人景泰中知鶴慶府耿介清儉有興  
之功凡三載有麥秀兩岐之瑞劉讓吉水人弘

治中知劍川州能除民害民頌其德劉珏內江人正德間知鶴慶府  
歲凶盜起捐金設賑以活

饑民羣馬卿林縣人嘉靖間知鶴慶府築堤防  
盜解散馬卿興水利與諸生講學多所造就姚

大英

烏撒人以永昌府推官攝鶴慶府事二年清  
介不染毀淫祠清吏弊及去士民泣送有至



數百里外者  
**方啟念**  
已陵人嘉靖中知劍川州恤民疾苦有愷悌聲  
**越民牧**  
貴州

人嘉靖間授劍川知州居官有善  
政百廢具舉去任日民咸思之  
**祁汝東**  
山陰人萬曆中

知鶴慶府先是北衙礦課累及里甲會恤使  
江盈科至汝東極力詳請蠲免民賴休息  
**余廷**

**檟**  
鄧縣人知鶴慶府興利除害嚴戢吏胥初至見  
民間爭訟猥細不情以片言麾之久之民悟訟

息  
**陳開泰**  
廣東人任鶴慶府值歲饑賑粥全  
活無算罷耗羨絕請托百廢具舉

**本朝孔興詢**  
山東曲阜人康熙三十六年通判府事  
時學校未設興詢力請開學造士捐俸

創建學宮化導夷民咸知詩  
禮康熙五十五年人祀名宦  
**金培生**  
襄平人康熙

事問民疾苦凡地方早澇宣洩之利身親任之設  
義學十餘所教育生童在任三年奸民斂手折獄

不究士民  
思慕之

人物元麥宗

通安州唐些人生七歲即知文字及長  
凡吐番白蠻諸種皆有書契無不通曉

旁及鳴禽亦解其語蓋介葛盧之流也相傳曾  
入玉龍山飲盞漿遂得夙慧蠻中稱為異人高

惠直

鶴慶人為本路總管  
有德行衆所愛戴

明趙和

字達道鶴慶人  
先後三任銅仁

訓導以師道自重後致仕歸生徒遮道泣送子  
僖天性孝友年十九由舉人訓導臨安人皆重其

模範超邁南陽府  
同知政績卓異

李繼兒

鶴慶前所百戶正統中  
從征麓川力戰死于轅

痛父死奮入賊營亦死靖遠伯王驥以事聞詔遣  
官諭祭贈繼兒武畧將軍副千戶轅忠顯校尉管

軍千戶鎮撫仍錄張勉  
其子孫優加賞資  
字希安劍川州人宏治中  
任黔江知縣有膽畧至未

匝月平巨寇又請於上官止督運民賴以安明年卒於官將屬續妻問何以歸櫬曰寄奠重慶可也

士民哀之士子受其教者稱爲龍溪先生

**趙德宏**

字有容鶴慶人正德間舉人孝友謙恭父

歿於京師德宏徒跣偕傭人負柩歸既葬廬墓三年時稱其孝歷官所至以清白稱判順慶決疑獄

三事洗十餘人冤及知潼川積贖錢得粟萬八十石以濟歲凶累官慶府長史子恩能繼父志德宏

卒亦廬墓三年

**楊叙年**

京至鶴慶人正德中隨父斌之事繼母盡孝

之叙年衰號求代賊感悟並得免

**朱佩**

字鳴朝鶴慶人正德中進士初任大理寺評事平反

冤獄爲僚長所倚重出爲貴州僉事調停驛傳民賴以安歷廣東叅政平猛寇禦盜賊定交南莫登

庸逆叛秦凱歸陞陝西按察使

**彭富**

字仲禮鶴慶人嘉靖中進

致仕居鄉恂恂若未嘗爲官者

士由知縣至巡撫歷官三十餘年所至有聲致仕歸家無贏產蔬食敝衣恬然自達

木公字

卿麗江人襲土知府性嗜學以琴書自娛所著有雪山詩集

楊全

劍川州人父繼宗為土官

下役海真所殺時全方在襁褓及長知父冤佯拜海真夫婦為父母一日治酒邀真俟飲酣殺之不

果乃潛入麗江適麗江土官欲遣人入京奏請全願往因發其事後海真死於獄全曰吾父讐得報

死無憾矣

尹端

字正之劍川州人性剛介動必循禮授清浪衛知事發摘無遺疏指揮蔣維賢

以下不法十餘人當道以再來楊震目之常曰端生平不愛官不愛錢不愛命任人非謗軍士每舉

手加額曰

張宗載

字一寧鶴慶人萬歷中進士知江津縣值採山運餉諸大役吐

嗟而辦楊應龍以兵萬人應調覈其實多虛宗載俟其成列以數示之應龍驚服後詔入為御史以

不能隨人俯仰乞歸事母

**楊方盛**

字大豫鶴慶人萬曆中進士知大冶縣縣多巨猾悍難

治不數月刑清訟理考授御史天啟初巡按河南鋤奸剔蠹風采赫然巡視長蘆補京畿道適倉

安之叛條陳邊事甚悉廷議起之歷官戶部侍郎總督糧儲

**楊朝棟**

鶴慶人萬曆中進士

為禮科給事中時值魏璫煽虐屢疏抗劾削奪歸里後補吏科遷光祿寺卿其諸疏與楊左爭尤焉

**段高選**

字讓予劍川州人萬曆中進士任巴縣知縣會奢賊亂闔門死節賜祭葬諡恭節廕

子暄錦衣衛千戶

**陳奇猷**

字襄宸劍川人天啟中進士累擢御史疏陳滇事甚悉因彈主

政貪穢為所擠落職道卒

**本朝梁健植**

鶴慶人順治己亥奉父避兵父被執健植叩頭乞哀願代父死賊遂殺之而釋

其木懿

麗江土知府康熙十二年吳三桂將叛計由中外結蒙番西連川陝道必出麗江

因調懿至省煽誘迫脅授以偽帥堅志不從羈省七年辛酉大兵復滇遣其孫壺首先投誠隨師

効力具題優獎

李衍芳

鶴慶人康熙癸卯舉人吳三桂反遁入山三桂物色之不可得賊平

知廬江縣以母老乞歸

蔣綱

字國器鶴慶庠生博學多陰德康熙辛酉年吳三桂潰將胡國

柱奔鶴慶入城肆掠至松桂府綱引路時大兵未至郡皆惶恐綱登三庄坡指城西石灰冢紿之曰提督諾謨圖領滿漢兵自劍川來已扎營西山下矣柱遙望之若無數營盤遂信乃自河東迤城賴以全至今有白墳駭走長毛之語時稱其功

流寓明卓金節

福建侯官人洪武間兵科給事中福建言謫戍鶴慶因家焉

車文

琮

臨川人父業商寓籍劍川文琮幼勤學登賢書知彭山縣有廉聲卒於官鶴慶人士多出其門

列女明木青妻羅氏

麗江人青為土知府氏於歸十年夫卧病竭力調護卒不起喪

中有番寇來犯氏曰彼以我新喪子在襁褓欺我婦人無能為耳乃涕泣誓師親環甲躍馬先士卒一鼓克敵邊鄙以寧事姑盡孝教子以忠勤稱誥封太恭人年五十一而終部民追思焉立石紀其

功許喬遷妻樊氏

鶴慶人喬遷卒於京氏年十八舅姑欲奪其志氏剔目割鼻以

死自龐大治妻陶氏

鶴慶人年二十二夫卒無子有姑在堂家貧甚氏紡績養

姑有欲奪其志者泣血自誓姑年八十卒氏葬如禮

李醜妻里氏

鶴慶人年二十二夫

歿子未週歲遺腹復生一子後相繼殀氏矢志不渝守節五十餘年楊嗣光妻阮氏

鶴慶人年二十二明末隨夫任揚宗因兵亂返鶴慶至洱海亂兵四至避石硯中為所獲氏奪刀自

刎  
**李樂道妻楊氏**

劍川州人樂道為諸生事繼母孝楊事姑如其夫樂道寢疾篤

籲天求代及卒  
莫畢遂縊以狗

**張周妻張氏**

劍川人未嫁夫卒氏欲往弔父母不許氏

伺間走詣夫塚自縊死

**本朝周應祥妻范氏**

麗江人夫亡時二十五食貧守志孝養翁姑教子成立守節三

十餘年於乾隆二十五年  
妻符氏楊成初妻趙氏守節撫孤並膺

旌表又同縣李繼恒旌表

**舉人楊述文妻施氏**

鶴慶人夫亡時年二十七撫孤守志逾三十年於乾隆二

年旌表又同州趙履上妻張氏潘宗洙妻林氏  
生員高景隆妻蔣氏童其昌妻蔣氏呂月先妻梅



氏高景燦妻李氏趙裕仁妻楊氏俱早歲孤孀於乾隆二年四年先後旌表又毛國翰妻居氏楊

廷鳳妻楊氏楊飛熊妻李氏楊裔旌表續曾妻王氏旺妻羊氏俱以節孝可風被旌

劍川州人夫亡時年二十八守節教子於乾隆四年旌表又同州李報甲聘妻貞女趙氏楊發祖

妻沈氏楊清溢妻李氏王瑜妻趙氏歐陽善妻段氏俱早歲守貞歷四十餘年於乾隆四年以來先

旌表旌表又生員李愈燭妻趙氏董性妻段氏楊璜妻陳氏監生李可禎妻阿氏生員樊時妻趙氏

武生何錫麟妻尹氏楊文會妻羊氏俱以節烈先後旌表

仙釋唐贊陀囉尊者

西域僧自摩伽國來又號摩伽陀結茅於郡之峯頂山即

地舊為澤國贊陀以法洩水山石迸開水遂奔洩

土產鹽

明統志雪盤山有鹽井

金

元史地理志金沙江出

鐵

滇畧磨些蠻出

麝香

滇畧磨些蠻出

無芒黍

通志出舊寶山川穗無芒而實圓

犛牛

尾可作纓

葡萄

通志出府境者佳

琥珀

滑石

自然銅

青石

漆

花馬石

俱府境出

海棠果

劍川州出類花紅而小味酸

青銅魚

出漾共江

中細鱗長不盈尺夏月始出

榧子

劍川州出

石耳

通志形如木耳感極清之氣而生久

食延年

欽定大清一統志卷三百八十二

廣

司

州

圖

廣西州圖







廣西州表

縣勒彌	縣宗師	州西廣	
益州郡地	牂牁郡地	益州牂牁二郡地	兩漢
		興古郡地	三國漢
			晉
			宋
			齊
			梁
			隋
蒙氏維摩部	蒙氏彌勒部	蒙氏師宗部	唐
維摩部據	彌勒部據	師宗部據	宋
初立維摩十戶屬阿	彌勒州	師宗州	元
至元十二年立十戶屬廣西路	至元十二年立十戶屬廣西路	至元十二年立十戶屬廣西路	廣西路
改爲州	改爲州	改爲州	廣西府
維摩州	彌勒州	師宗州	明



達萬戶至  
元中屬廣  
西路復改  
離摩州  
屬廣西府

欽定四庫全書

欽定大清一統志卷三百八十三

廣西州

在雲南省治東南四百里東西距四百三十里南北距三百八十五里東至廣南府界三百

百里西至臨安府寧州界一百三十里南至臨安府阿迷州界二百里北至曲靖府陸涼州界一百八十五里東南至廣南開化二府界三百六十里西南至阿迷州界二百里東北至曲靖府羅平州界二百六十四里西北至陸涼州界一百里本州界東西距一百五十五里南北距一百二十里東至曲靖府羅平州界九十里西至彌勒縣界六十五里南至邱北界八十里北至師宗縣界四十里東南至邱北界一百里西南至彌勒縣界六十里東北至師宗縣界三十里西北至澂江府路南州

界七十里自州治至

京師八千六百里

分野天文東井輿鬼分野鶉首次

建置沿革禹貢梁州荒裔漢益州牂牁二郡地三國

漢屬興古郡唐時東蠻烏蠻彌鹿等部居之為羈

縻州隸黔州都督府後為師宗彌勒維摩三部所

據歷蒙氏段氏皆不能制元憲宗七年內附隸落

蒙萬戶府至元十二年置廣西路隸雲南行省明

初改廣西府隸雲南布政使司

本朝初因之屬雲南省乾隆三十五年改為直隸州

## 領縣二

師宗縣

在州城北八十里東西距九十里南北距九十里東至曲靖府羅平州界四十里西

至曲靖府陸涼州界五十里南至本州界四十里

北至陸涼州界五十里東南至廣西泗城府西隆

州界三百一十里西南至本州界五十里東北至

羅平州界五十里西北至陸涼州界五十里漢牂

牁郡地地名匿弄甸爨蠻師宗據之號師宗部元

初隸落蒙萬戶至元十二年置師宗千戶總把領

阿寧豆勿阿盈豆吳四千戶所屬廣西路二十七

年改為州明屬廣西府本朝因之乾隆三十五

年改彌勒縣在州城西九十里東西距一百五里

為縣南北距一百六十里東至本州界二

十五里西至臨安府寧州界八十里南至臨安府	阿迷州界一百四十里北至本州界二十里東南	至廣西府界二百六十里西南至寧州界八十里	東北至本州界三十里西北至澂江府路南州界	五十里漢牂牁郡地本名郭甸巴甸部籠之地步	莫徒蠻之裔彌勒者據此因名彌勒部元初隸落	蒙萬戶府至元中以本部為千戶總把領古輸哀	惡部籠阿欲四千戶所屬廣西路二十七年改為	彌勒州明屬廣西府本朝邱北縣丞在州東南	因之乾隆三十五年改為縣	里東西距三百二十里南北距一百二十五里東	至師宗縣界二百里西至臨安府阿迷州界一百	二十里南至廣南府界四十五里北至本州界八	十里東南至廣西泗城府西林縣二百五十里西	南至開化府界一百六十里東北至本縣界一百	八十里西北至彌勒縣界一百三十四里元明為
---------------------	---------------------	---------------------	---------------------	---------------------	---------------------	---------------------	---------------------	--------------------	-------------	---------------------	---------------------	---------------------	---------------------	---------------------	---------------------

維摩州地 本朝康熙八年省維摩州分屬廣南  
開化師宗彌勒四府州管轄雍正九年于師宗州  
添設州同駐舊維摩州之邱北以歸彌勒之曰者  
鄉及阿迷州十四寨地併屬焉乾隆三十五年以

師宗縣  
丞分駐

形勢東瞰粵西南距交趾山谷幽阻民夷富強 通諸

山環峙為屏八甸縈溪為塹 郡志

風俗其俗質野民强家富 明統志 士知嚮學民勤耕織

禮讓相尚以許訟為恥 郡志

城池廣西州城

周四里有奇門四明成化十四年始築土城隆慶五年易以磚 本朝康

熙三年雍正八年  
乾隆三年屢修

師宗縣城

周二里有奇門四舊  
有土城明崇禎七年

易以磚 本朝康熙十三  
年重修乾隆七年又修

彌勒縣城

周二里有奇  
門四明宏治

中始築土城崇禎七年易以磚  
康熙五十年重修乾隆二十六年又修

邱北城

師今

宗縣丞駐劄之地  
本朝雍正九年築

學校廣西州學

在州治東北隅鍾秀山麓明萬歷中  
遷建東門外後地 本朝康熙五年

遷還舊址三十五年重修雍正  
十一年再修入學額數二十名

師宗縣學

舊在東  
門外明

崇禎三年建 本朝順治十六年裁附府學康熙  
十年遷建於南門外雍正十年重修入學額數十

二名彌勒縣學

舊有廟無學明天啟三年始建 本  
朝康熙二十七年建於州南門外雍

正十一年重修入學額數十五名

### 凝秀書院

在州治鍾秀山麓又鶴山書院在州學之

右本州暨屬縣並設有義學社學

### 戶口

原額軍民人等七萬七千五百五十八滋生人丁共一百零二

### 田賦

民田地六千八百八十四頃七十四畝三分五釐七厘田二百一十八頃六畝一分三釐夷田

一百零九段共額徵銀三千六百六十二兩九錢一分一釐零夏稅秋糧四千二百四石五斗六升零

### 山川還浦山

在州城東二里又里許曰廣福山

### 阿盧山

在州城西二里延亘四十

餘里南連彌勒北跨師宗舊有阿盧部

### 翠屏山

在州城南二里為州案山

### 烟光山



在州城南五里接  
紫薇山環峙州治

**發果山**

在州城北一里培  
樓相接環繞州治

**吉輸**

**山**

在州城東  
南五里

**鍾秀山**

在州治內東北  
學宮建於其下

**英武山**

在師  
宗縣

東八十里  
奇峯峭拔

**祿德山**

在師宗縣東一百十里明統志  
孤峯秀峭高入雲表一名六德

**山馬者籠山**

在師宗縣東二百四十里山極高峻  
旁有小山本在縣之阿定鄉明宏治

十年一夕忽移二十餘里止於此山之  
旁山上大樹皆不動其舊處遂為平地

**高來山**

在師

宗縣東  
三百里

**龜山**

在師宗縣西七十里山極高大為苗  
羅之數明萬歷四十八年築督捕城

通判駐劄  
於此今廢

**恩榮山**

在師宗縣北五里上  
有三峯榮一作容

**鎖北門山**

在師宗縣北十二里  
兩峯高偉對峙如門

**邱北山**

即舊廢維  
摩州治

**石龍山**

在廢

維摩州 **革龍山** 在廢維摩州明末沙定州遁歸屯兵此山李定國圍三年乃克之今城址

尚存為通廣西驛路 按自邱北以下三山皆廢維摩州之歸師宗州者今為邱北縣丞所轄之地

**陀峩山** 在彌勒縣東十五里 **曲部山** 在彌勒縣東延袤一百八十里 五十里下有

泉 **阿欲部山** 在彌勒縣西十里盤亘七十餘里東接北傾山舊阿欲千戶所置於此舊

志北傾山在 **獅子山** 在彌勒縣西二十里延袤數十餘里 **部籠山** 在彌勒縣北三十里

勒縣南五里環繞縣治舊部籠千戶所置於此明統志作卜龍 **錦屏山** 在彌勒縣北二十里

寺出林中 **阿母山** 在彌勒縣廢維摩州東南九十里高千仞又有折角山在州東

泉流山畔 南一百五十里 **萬年龍山** 在彌勒縣廢維摩州東其下為折角谿 南一百里下有泉流入

廣南府界又有寶寧山亦在廢維摩州東北一百里有泉為寶寧谿盤江山在彌

東南一百二十里明統志東西兩山盤江流其中東抵師宗南界阿迷中有石竅深廣丈餘濁水湧

出注於大維摩山在彌勒縣廢維摩州東南二百盤江里高出衆山土官世居其上其

北有小龍定山在彌勒縣廢維摩州東南三百維摩山餘里五峯屹立遠即望見之烟

白山在彌勒縣西南六十里山上有法烏洞十八寨山在彌勒縣西

菁連屬中洞天山在彌勒縣西南十八寨多苗種東五里中有石龍石洞花山在

勒縣西南十八寨西三里產山茶杜鵑諸花莫治峯在師宗彌勒二縣

里所轄滇南遊記山高萬仞與安南交界終歲雲霧不聞惟三月三日起至四月三日止一月皎潔

遊人登其巔望紅石巖在彌勒縣西南二十五里見安南宮室有石龍馬相傳昔有龍馬

至此化為石土人視其瀘源洞在州城西三里色之黑白以卜陰晴深邃不可測阿

盧洞在州城西五里宏敞幽邃中有雕欄寶塔彩雲玉柱鐘鼓傘翫瑤床佛龕之異檳榔

洞在師宗縣東南三十里檳榔村中通元洞在師宗縣西北洞中

菁觀音洞在彌勒縣東十里石窟玲瓏玉龍洞在彌勒縣西南

春夕馬洞在今邱盤江自臨安府阿迷州境流經北治所彌勒縣復東北流經州境

入師宗縣境會山箐細流名八巴盤江一名潘江達河下流入曲靖府羅平州界自潞江府

東南流入師宗縣界又東南流清水江源出邱北經州西又西南入彌勒縣界山之龍潭

東流繞師宗縣治 **混水江** 在師宗縣南一百五十里即盤江下流入羅平

州 **巴甸江** 在彌勒縣境源出縣西 **西瀘河** 在州城

一名西谿源出源羅山洞中師宗縣諸水伏流 **息**

於北流經城西環城南與東谿合入矣邦池 **宰河** 在彌勒縣南九十里明知府 **白馬河** 在彌勒

十八寨 **山湖** 在彌勒縣境 **八甸溪** 在彌勒縣北其

東五里 **村** 一出阿欲山一出北傾山 **矣邦池** 在州城東南

至縣治東合流南入盤江 **名龍甸海** 亦謂之乾海周三十餘里水源有二一

出瀘源洞一出江頭村龍潭或云出彌勒縣吉雙 **龍泉** 在

鄉者誤南流入盤江中有小山明李韶言 **府南有乾海** 後有平壤可開屯田即此

城西源出瀘源洞有東西二河渠溫泉在師宗縣泉流入矣邦池民資灌溉南三十里

溫泉

在彌勒縣西十里阿欲山下

龍江灣

在州城西南和穆村西流入矣邦池

彌

勒灣

在彌勒縣境自臨安府阿迷州隴希寨東流六十里至彌勒灣

大河口

在師宗縣

南盤江經此迴曲為大河

古蹟維摩故城

在州城東南明統志在府城東南三百六十里元立維摩千戶隸阿迷萬

戶至元中以為千戶總把領維摩屈中二千戶隸廣西路後改維摩州府志維摩州城在府東明洪武間建土城於大維摩交趾叛徙於邱北城本朝康熙八年州裁城尚存又州志有三鄉土城明萬厯中土舍李應輝築於石龍山後圯

龍馬跡

在州城南九溪山巔巨石上蹄跡宛然

秀才石

在州城西二里石形如人傳有孝子廬墓化為石

元總管府

在師宗縣

檳榔洞村通志元立千戶總把於此基址猶存

梁王營

在師宗縣大河口及矣奄村元梁王

立營於此

李璜石

在師宗縣阿寧鄉明李璜奏請改土設流官龍氏欲害之避居江外携一

小石置道旁祝曰璜如私此石銷滅如公石當昂藏今其石巉巖特立

夷婦石

在彌勒縣

南昔有擺夷從征交趾不歸其婦至山頭望之化為石高五尺許

烈婦石

在彌勒縣西十

里昔有夷婦夫亡姑逼嫁不從携子撞石而死今石上有母抱子形

煉丹竈

在彌勒縣白竈

洞昔有仙合丹於此遺石釜或徙之旋復舊處

關隘沼關

在彌勒縣南一百二十里通臨安路舊設巡司

革泥關

在彌勒縣西五

里十八寨

在彌勒縣西南今蠻黨分居者曰永安寨石洞寨祿慶里寨阿營里寨米車寨

餘或以山名本一山而羣蠻分居其中曰十八寨明嘉靖元年嘗設十八寨守禦千戶所於此楊

屋寨

在彌勒縣自彌勒灣東踰山有竹子箐過楊屋戈勒襪舍三寨臨俺排江循西岸而進江

出兩山中瘴毒不可近江東又有大八百小八百二寨皆僮氏屬夷俺排江即盤江異名也烟

光哨

在州城西五里又赤喜撒普山怒圭羅納泥阿魯平沙鎮南棕攬阿達永安邱矣永寧方

擺龍尅阿矣木革等諸哨舊皆有兵戍守長坡哨

在師宗縣境又有捏龍阿古哨鴨子塘哨

安禿勺哨及木舌額勒龍潤矣馬矣維興隆平沙等哨

新哨在彌勒縣西南自阿迷州之彭

堡達於新哨乃至縣治又北出板橋祿德驛在彌接雲南府宜良縣界又有彌東等哨



廢維摩州東一  
百畝阿石村  
檳榔驛在師宗州東南十五里檳榔洞

津梁吉雙橋

在州城東南四里

大石橋

在州城西一里一名環翠橋明宏治間知

府朱繼祖重建

金馬橋

在州城西十五里陸涼州大路

所普橋

在州城西三十里

晏清橋

在州城南一里明萬歷中建

普濟橋

在師宗縣大河口

祿生橋

在師宗縣東門外一里

平政橋

在師宗縣南門外

螳澤橋

在師宗縣南五十里

檳榔村

洪濟橋

在師宗縣北三十里

玉津橋

在彌勒縣南跨八甸溪上流

盤

江渡

在師宗縣東一百六十里馬者龍鄉

巴盤渡

在彌勒縣南一百里兩山夾流為一

方險要

堤堰廣利壩

在州城東七里明萬厯間築

永惠壩

在州城西四里亦萬厯間築

矣龍壩

在州城西三十里

陵墓明李叅政墓

在州城北山麓不知何許人以叅政委勘事卒葬於此又建有廟

楊繩武墓

在彌勒縣南玉枕山

簡如英墓

在彌勒縣構甸壩

二勇士

墓

在彌勒縣勇士何應芳劉國良率鄉兵禦土寇死葬此

段烈婦墓

在彌勒縣東葛

山家

祠廟馬伏波祠

在州治鍾秀山行署後

四公祠

在州城西關外明戴時雍蔡應

科陳忠官瑩皆有築壩修城功立祠並祀之

寺觀東寺

在州城東五里

廣福寺

在州城東三里龜山寺建其上

瀘源寺

在州城西五里瀘源洞旁與東寺皆為郡中名勝

萬壽寺

在州城西九里

禹門寺

在彌勒縣東十里有巖懸千仞河洩平原之勝

報國寺

在彌勒縣西半里

皈依寺

在彌勒縣有受降碑記明知府張繼孟招降普名聲於此

致和觀

在州城東

咸和觀

在彌勒縣城西五里

名宦明賀勛

湖廣人成化間任廣西知府時初設流官勛建城垣立學校惠政及民陞雲南

參政仍兼府事孫久

吉水人宏治中任彌勒知州按制土酋撫安反側民賴以寧

張佐

武昌人正德中知彌勒州事征十八寨籌運有方民不知擾

華剛

都勻衛人正德中知彌勒

州事彊毅明察十八寨叛酋何勿等畏之皆輸納逋稅期月間法令大行李崧

內江人嘉靖初

知師宗州訓農興學滌除宿弊刻苦清介陞大理同知民追送百里外號泣之聲不絕於路戴

時雍

江西人隆慶中為廣西知府倡議築城身親督役善政尤著遷兩淮轉運使民為立祠

陳忠

獻縣人萬歷中任廣西知府興水利建永惠壩開東西兩河附郭水田皆成沃壤沙夷寇

掠東山忠率兵勦平修築三鄉城於沿江渡口設哨令戍卒於廢地墾田給以牛種耕戰之具畢修

張光宇

山西太平人萬歷中由廣南調廣西知府廣勵學校教課耕織增修東西二壩量田

編甲永蕭以裕  
清江人萬歷間任廣西知府遷建為修葺  
學宮於三臺山創鶴麓書院以教

士土酋普者輅侵擾江外  
親率師擒之諸夷畏服  
張繼孟  
扶風人由御史出為廣西知府

攝巡道篆典文講武院司議撫普名聲委員悉被  
害繼孟單騎至息宰河入賊營陳說利害賊遂降  
滇郡王勵精蒲城人崇禎中任廣西府通判仁恕  
以寧王勵精善折獄歲荒開糴毀所繫銀帶易粟  
減價糶富人聞之游大勲婺源人崇禎中任廣西  
爭出粟價遂平府通判普名聲叛大勲

督兵拒寇援絕死之徐道興睢州人崇禎末以都司經歷署  
陷曲靖道與集士民諭之曰吾死分也若輩可速

去出白金二錠授其僕僕請從死徐曰此俸金也  
爾不去誰收吾骨賊至以械擊賊首大

罵被殺乾隆四十一年賜諡烈愍

人物明趙通

廣西州世襲照磨成化中昂貴爭襲府  
職大肆兇虐通不從逆遣子瓊赴京奏

聞因改土設流民賴以安李璜師宗州人宏治中代本州土官  
至京襲職嘗謂無流官制土官

終為民害至京奏請設流官知州詔楊廷湖彌勒人

慷慨好義率鄉兵助知府郭楊繩武字念爾彌勒人崇禎中

進士由翰林改御史出視河東鹽政繼按河南流寇突至繩武潛師破賊而還時方鄉試聞中不驚

旋擢順天巡撫旋晉兵部左侍郎督薊遼楊令聞

師卒於豐潤贈兵部尚書賜祭葬謚莊介彌勒縣諸生普名簡如英彌勒州人親喪廬墓三年虎不敢犯受旌呂

聲之亂罵賊死應乾彌勒州生年十四母為流寇所掠應乾何騰

龍彌勒州人普名聲之亂不顧家何天衢字升字維摩州

室負母遠奔府州旌其孝義人有勇畧普名聲招為頭目使駐三鄉名聲謀逆以銃手三百令天衢會之天衢盡坑其卒反正助

守維摩名聲已陷彌勒急撤兵兩路攻之不克累陞都督同知名聲死其妻萬氏復攻天衢援絕糧

盡自刎死

本朝邢太古

廣西州人幼失母父之楚太古為人牧豕思慕哭泣及父歸孝養三十年如一

日父年八十五自言不覺鰥居之苦以有太古能順適其意也公舉旌表

李佐明

廣西

州人勤學好古嘗買藥濟人所著有五峯詩集萃古名言及古今人物考

李根心

字所廣

西州人好善樂施英德令張于宸派孫為沙夷掠賣根心變產贖回資助遣歸人重其義

列女明趙理妻張氏

廣西州人年二十五夫亡子幼守節五十餘年

郭尚賢

妻趙氏

廣西州人已許聘郭尚賢父母後欲改盟更許豪家氏聞而自縊以救免乃適尚賢

兩割股以療姑病撫按旌之名其里曰賢孝

暨希妻周氏

廣西州人年二十二夫役

臨安隨知府入覲卒於道氏聞訃死而復甦安貧守節撫子大器成名

羅賢英妻楊

氏

廣西州人流寇至同家人避兵石洞中夫出為賊所執翁繼出賊逼令負所掠物拷聲聞洞中

氏急出語賊願代翁負賊喜釋其翁氏至環翠橋伺間投河死

趙覺妻召氏

廣西

夫卒欲以身殉慮親戚見阻居喪若無戚容衆咸異之及將葬夜傍夫柩自縊衆始嘆服遂同穴葬

馬

楊大謨妻段氏

彌勒縣人夫歿於陣氏撫孤守節舅姑欲奪其志遂自縊死

本朝熊相文妻李氏

彌勒人相夫七載夫亡後輔孀姑撫幼叔無子以姪堂為嗣堂

領鄉薦人以為孝節之報乾隆十六年旌表

楊貞女

彌勒人係訓導楊克惠女年十四許



聘嚴嶠後五歲聞嶠歿潛投繯母救免復割耳以誓舅姑知其志乃迎歸成服撫姪武為夫嗣守貞三十餘年乾隆三

武程妻嚴氏

彌勒人年二十一夫亡有遺腹七月

後生子義織社養親嚴于課子及義長食餽有聲膠序尤勸督不衰乾隆三十七年旌表

土產雞腿竹

州境出每節上天下小可為杖

透明魚

出瀘源洞口其大如指頭有肉

角色白無鱗蓄水盆中表裏瑩然

欽定大清一統志卷三百八十三

𡗗

𡗗

𡗗

𡗗

# 武定州圖







武定州表

武定州

益州郡秦  
滅縣地

兩漢三國漢晉

宋

齊

梁

隋

唐

地屬姚州

宋

大理段氏  
為羅越都

元

明

武定路武定軍民府

宣宗七年  
立為萬戶府

至元八年改為府治  
為北路十和曲州屬

二年改本雲南布政  
路為武定司

治南甸縣  
屬雲南行

省

南甸縣和曲州

至元二十  
六年置縣

為路治  
慶四年移  
州來治

地名區通

和曲州

至元二十  
六年升區

	元謀縣	祿勸縣
	益州郡地	益州郡地
	姚州地	蒙氏祿券部
	蠻名環州	
	元謀縣 至元十六年為縣屬州	祿勸州 至元二十六年置屬武定路
	元謀縣 仍屬和州	祿勸州 仍屬武定府洪武中省為縣屬州
	石舊縣 至元二十六年置屬州	易龍縣 至元二十六年置屬祿勸州
	石舊縣 至德中省入州	易龍縣 廢

欽定四庫全書

欽定大清一統志卷三百八十四

武定州

在雲南省治西北二百四十里東至西距三百六十里南北距三百三十九里東至曲靖府

尋甸州界一百二十里西至楚雄府大姚縣界二百四十里南至雲南府羅次縣界三十九里北至四川寧遠府會理州界三百里東南至雲南府富民縣界四十五里西南至楚雄府定遠縣界八十里東北至會理州界三百里本州境東西距一百九十五里南北距五十四里東至祿勸縣界十五里西至元謀縣界一百八十里南至雲南府羅次縣界三十九里北至祿勸縣界十五里東南至雲南府富民縣界五十里西南至雲南府祿豐縣界一百二十里東北



至祿勸縣界十三里西北至楚雄府大姚縣界  
二百里自州治至京師八千四百四十里

分野天文東井輿鬼分野鶉首之次

建置沿革禹貢梁州南境漢屬越雋益州二郡地

東北境為

號為郡地

三國漢屬建寧郡晉屬晉寧郡唐屬姚州天

寶以後入於南詔宋段氏時為羅婺部

元史地理志武定路

唐隸姚州在滇北昔猛鹿等蠻居之至段氏使烏蠻阿剌治納漢脫共龍城于共甸又築城名曰易龍其裔孫法瓦浸盛以其遠祖羅婺為部名

元憲宗四年內附七年立

萬戶府至元八年置北路總管府十二年更為武

定路隸雲南行省明初改為武定軍民府萬厯中改為武定府隸雲南布政使司

本朝因之屬雲南省乾隆三十五年改為直隸州以附郭之和曲州省入焉領縣二

元謀縣

在州城西一百九十里東西距六十里南北距一百五里東至本州界二十里西至

楚雄府大姚縣界四十里南至本州界十五里北至本州界九十里東南至本州界三十里西南至楚雄府定遠縣界五十六里東北至本州界一百里西北至大姚縣界一百里本漢益州郡地唐為姚州地蠻名環州又名華竹元初為治五甸至元十六年改置元謀縣屬和曲州明屬武定府本

朝因之乾隆三  
十五年屬於州  
**祿勸縣**  
在州城東北二十里東西距一百一十里南北距三百

五里東至曲靖府尋甸州界一百里西至本州界十里南至本州界十五里北至四川寧遠府會理州

界三百里東南至本州界三十五里西南至本州界三里東北至尋甸州界二百四十里西北至會

理州界三百里本漢益州郡地唐為羈縻州蠻名洪農碌荖甸離蠻所居元至元十六年置祿勸州

屬武定路明屬武定府  
之乾隆三十五年改為縣  
本朝初因屬于州

形勢四維千里削壁懸巖水甘草茂最宜畜牧

明統志

烏蒙東峙楚陋西連壯金沙之南面控蜀道之北

門通志

風俗尚樸魯士民勤業

府志

城池武定州城

周六里門四明隆慶四年築  
雍正七年重修乾隆二十六年又修

本朝

元謀縣城

周一里有奇門四明萬厯三十二年創  
築天啟二年改築磚城本朝康熙五

十二年重修乾隆  
二十六年又修

祿勸縣城

周二里門四明萬厯  
七年築本朝雍正

八年  
重修

學校武定州學

在州治東北明隆慶三年建本朝  
康熙十五年重建雍正九年重修入

學額數  
二十名元謀縣學

在縣治東明天啟三年建本  
朝康熙五十四年雍正八年屢

修乾隆十二年又  
修入學額數八名祿勸縣學

在縣治西明崇禎三  
年建本朝康熙五

十一年雍正八年重加修葺入學額數十二名

文峯書院

在州南明萬厯中建又武陽書

院在州城內闕帝廟右州縣並設有義學社學

戶口

原額軍民人丁共五萬六千八百八十八又滋生人丁共二萬一千九百零二

田賦

民田地三千九百六十八畝七厘七毫屯田地八十四畝九十一畝七分五釐夷田四十

一畝共額徵銀六千四百五十九兩四錢三分夏稅秋糧四千九百七十七石三斗一升八勺

山川五峯山

在州東三里五峯攢列如案

三臺山

在州西五里高可千仞叠起如

臺明隆慶初鳳總祖叛築寨于此為拒守處

獅子山

在州西八里明統志項平曠有石巖

狀如獅子滇畧壁立千仞其巔平曠中藏深谷可容萬人有泉自山巖噴出渚為小池郡郭摩山錯

立此為**馬鞍山**

在州西旅途志自武西歷烏龍洞躍鷹村高橋村至馬鞍山七亭村

最勝落十餘里徑路皆枕山面流川原平衍廣二十餘里有徑路涉高橋水徑一亭冬春乃通枕**天馬山**

在州南二十里相近有筆架山連峯聳翠為學宮案山**佐邱山**

在州北二十里山中平坦

有澤廣五畝水無盈縮名洗馬池分**撒擁山**

在州北一

百九十里**鋪哇山**

在州西南二十里曹學佺名勝志山勢險隘有懸瀑千餘尺下

高出羣山**鋪哇山**

在州西北有泉下流為南甸河注城池蠻

名鋪哇溪**猗朶山**

在州西北八十里有雄軸龍山形勢峭峻

**馬頭山**在元謀縣南名勝志山連亘四林麓茂密**馬頭山**十里地勢最高東望尋甸南見楚雄北眺黎溪西瞻大理縣之鎮山也旅途志自府西馬鞍山達元謀縣崇山複嶺潤有積雪下馬

頭山始平衍樹多木棉其高千雲有金剛嶺  
樹碧幹蠋刺漿殺人土人密種以當籬落  
吾梁

山在元謀縣北三十里縣志孤圓聳拔登臨最勝  
相近有雷應山高三十餘里項有古刹老樹叅

天土人傳為雷起處  
盤龍山在元謀縣北七十里  
住雄山在元

謀縣西北十里明統志一名法靈山俗呼環州  
山壁立萬仞西枕雙陋甸東連諸山環于縣境竹

沙雄山在元謀縣西二百里縣志四面皆壁  
立高出羣山上多竹木人跡罕到  
火燭

山在元謀縣西北旅途志自元謀北渡金沙江初  
行谷中緣溪而上十里升大焰山其高三十里

峰迴路轉陡絕  
翠峰山在祿勸縣  
法塊山在祿勸  
之處輔以木棧  
南二十里  
縣北五

十里明統志在廢石舊縣西三十里四面峭立  
惟東南有一徑可容單騎其旁有哀阿龍山  
蛙

匿歪山

在祿勸縣北法塊山之西

幸邱山

在祿勸縣北二

百里四面陡絕頂有三峰可容數萬家昔為羅婺寨天生之城牢不可破

烏蒙山

在祿勸縣

東北二百里一名絳雲露山一名雪龍山一名松外龍山唐書南蠻傳貞觀中嵩州都督劉伯英上

疏松外諸蠻率覓附巫叛請繫之西洱河天竺道可通也太宗以右武侯將軍梁建方發蜀十二州

兵進討松外首領蒙羽皆入朝明楊慎雲南山川志山北臨金沙江有十二峰聳秀為一州諸山之

冠八九月間上常有雪其頂有烏龍泉下流為烏龍河蒙氏封此山為東嶽圖說與東川烏蒙二府

接界八九月有雪故名雪山紅崖峽在州東北四十里舊府志

溪流峻險難涉明弘治武陵洞在州北八十里夾中常平治之以便往來



內有流泉又有三石塔洞  
在武陵洞西泉石幽勝  
**金沙江**在州北三百八

流經元謀縣境又流入州北界又東達四川會理  
州界之舊黎溪州蒙氏封為四瀆之一沿江多嵐

瘴行人以雨中及夜渡可無雲元李京  
詩五月渡湫即此地三月九日瘴霧起  
**壽胚胎洞**

在州西北四十里志勝洞深十餘丈中有石筍森  
立石乳自巖滴筍成質如拳又有石如壽星益孟

獅象  
形者**西溪河**即楚雄府之龍川江也亦名紀寶溪  
自楚雄府定遠縣北流入州界又西

北經元謀縣  
西入金沙江**烏龍河**在州治北五里源出祿勸縣  
之烏蒙山繞流經此溉田數

百項下流入金沙江  
山之泉流為烏龍河者非此水  
**鵲鵲河**在州北南  
流入祿勸

縣  
**普渡河**在祿勸縣之廢石舊縣東南即螳螂川  
下流也源自雲南府富民縣流入會掌

鳩河之水  
**龍橋水**  
在州北流經府城南合於掌鳩水  
**勒淡水**  
在州北

入金沙江  
源自廢南甸縣與東溪漢  
**掌鳩水**  
在祿勸縣廢石

皆分流而東北入金沙江  
志掌鳩甸有溪遶其三面凡數十渡舊志水自府境北流入祿勸州東南與款莊樂宰二水合又東

入普渡河以達于江其合  
**惠嫺湖**  
在州西北八十里湖方五里茂

處形如獅子名獅子口  
**應元溪**  
在元謀縣南源出本

林掩映水深不測葉  
**冷泉**  
在州西六里其水

山入縣縣中田畝皆資其  
**香水泉**  
在州南二里舊志其泉春時則香土人於

灌溉下流合于西溪河  
有香  
**溫泉**  
在元謀縣法納禾村其沸如湯可焙羊

一在小輯麻村昔鳳  
氏所覽今變為寒泉  
**甘龍泉**在祿勸縣城內自石

資**石泉**在祿勸縣東一百二十  
里灑交營坡不溢不涸  
**蓮花井**在州東北

常清**鹽井**井有二滇志只舊井距州一百六十里  
不涸草起井距州二百里俱產鹽本朝康

熙十年二  
井俱封閉  
**者吉村渠**在祿勸縣有二十一在縣東北

村納吉村等渠俱在  
縣境有灌溉之利

**古蹟和曲故城**元史地理志和曲州在武定路西南  
蠻名叵蘆甸樊獠諸種蠻所居蒙氏

時白蠻據其地至段氏以烏蠻阿剛併吞諸蠻聚  
落分兄弟子姪治之皆隸羅婺憲宗六年改叵蘆

甸曰和曲至元二十六年升為州明統志和曲州  
在府西南三十里舊志州舊治在府東十五里後

改附府城故治遂廢按明統志和曲州在府治西南之十里今州城去舊城七里則舊和曲州或當在城南而舊志作府  
**南甸故城**在州東元史地理志南甸武定

東十五里未知何據  
路治本縣蠻曰滾甸又稱滾甸龍至元二十六年改為縣通志南甸縣本置于郭下明嘉靖末土酋鳳繼祖作亂縣廢隆慶三年賊平移建府治于獅山之麓即今府治也東去舊府城七里四年移和曲州于郭下  
**石舊故城**在祿勸縣東五里元置縣遂不置縣屬祿勸州元史地理志石

舊縣在州東有四甸曰掌鳩曰法塊曰抹稔曰曲蔽掌鳩甸訛名石舊至元二十六年立縣明統志在州治東五里  
**易籠故城**在祿勸縣北之一百八明正德中入州  
州元史地理志易籠城在州北地名培塿縣境有二水蠻語謂渙為水籠為城因此為名昔羅婺部

大首居之為羣首會集之所至元二十六年立縣  
明史元以蠻部洪農碌峇甸置祿勸州領易龍

石舊二縣洪武  
中省易龍縣  
諸葛城在州東二里相傳諸葛亮  
曾駐兵于此今遺址猶存

龍隱臺

在州西八里獅山之巔孤峰入雲兩石相  
抱中容數人世傳明建文帝隱此故名

凌泉亭

在州西獅山之頂明巡按劉維建有古  
松二株如虬龍形藤蘿數百尺纏之懸

女石

在祿勸縣石舊廢縣南十里俗傳古有二女  
牧織山下有飛蟲來集麾之不去撲殺之俄

而烈風大作吹二女  
懸于崖下化為石

關隘小甸關

在州南五  
十里有堡撒甸同知在州城北一百九

地本朝康熙五十七年土酋常應運叛伏  
誅以其地屬武定移同知駐焉乾隆七年裁龍街

**關**

在州西北七十里明永樂五年建二關俱有巡檢司今皆廢

**石關**

在祿勸縣境又有石

門關亦在州境

**金沙江巡司**

在州西三百五十里金沙江南岸明永樂五年建今仍舊

又有羅摩耳巡司在州北八十里明弘治十九年建乾海子巡司在州西北六十里永樂五年建萬

歷四十一年二司俱裁

**普渡河巡司**

在祿勸縣北一百八十里普渡河岸明永樂五

年置巡司又有撒里巡司在州城南二百里明初建後俱裁

**和曲驛**

在州東門外又州西

北五十里有虛仁驛州西二百九十里有姜驛州西北二百八十里有環川驛州南八十里有利浪

驛明洪武中俱置驛丞後皆裁

**津梁通會橋**

在州東大路明天啟中遷于東城之左以鎮水口舊又名迎祥橋

**大營**

**橋** 在州東南一里明宏治中建又東南**龍潭橋** 在

城東北二里兩岸崖壁峭立跨以木橋下有龍潭**惠民橋** 在州西北一里

里有便民橋俱**通達橋** 在州西北路通元**大板橋**

明萬曆中建**魯虛橋** 在祿勸縣西北十

統中在建萬曆間重建**元安慈冢** 在

**陵墓** 在州境元史地理志和曲州

境龍三藏去**烈婦墓** 在州境舊和曲

城三十里**祠廟忠烈祠** 在州東門外祀明死難僉事張澤同知

事高心巡檢俞伯官教**呂公祠** 在和曲州西祀

授常存仁生員楊忠誨

寺觀正續寺

在州西五里元時建明末重修寺後有藏經閣舊為明建文閣設建文遺像旁

列從亡臣十一人

法林寺

在元謀縣東北雷應山

西林寺

在祿勸縣南十里翠

華文殊寺

在祿勸縣北門外舊廢明萬曆中復建

五龍寺

在祿勸縣東北五十

里撒馬邑林木深密石隙玲瓏周圍出清泉數處故云五龍近寺田畝賴以灌溉

仙臺觀

在祿勸縣南十里

名宦元安慈

武德將軍與子弄積俱有功于武定

明董旻

樂平人成化中官給事中

以直言謫石碛知縣時土酋猖獗盜賊蜂起足練民兵使遠近各為保護遂至萑苻絕警土酋畏服以循良遷去

張敬

清江人弘治中知和曲州存心慈愛政善民安州人感戴

秦健

廣西



人嘉靖初知祿勸州鳳朝文叛健分地監守賊攻  
國甚急力不能支遂遇害同時武定府同知四川

袁休率妻子一門盡節又武定府教授常存仁祿  
勸州吏日劉瑀知事高心照磨張成巡檢俞伯官

均死  
**鄧世彥**湖廣人隆慶間為武定府同知值鳳  
繼祖倡亂世彥輓運軍搢盡心贊畫

得以次勦平遂創建府  
治城垣地方賴以保障  
**金守仁**武定守禦指揮萬  
千戶王應爵魏守恭張斗梅應時黃桂

鎮撫金榮高百戶楊應祖陳宰俱殉難  
**王應期**湖廣人  
人萬歷末任武定知府土酋沙大

金作亂應期出奇制勝討平之  
**胡其慥**湖廣人  
年任武定知府阿歹叛

慥竭力捍禦城賴以全  
**趙紆**山西人天啟間任武  
定知府廉正自持修

學崇文勸農息訟教民畜讓民懷其德  
呼為趙青天去之日有送至數百里外者  
**楊于陸**

武定府同知崇禎六年死普名聲之難

**高其勲**

以叅將守禦武定沙定洲來攻其勲固守

月餘城陷服毒死

人物明楊堯年

和曲人嘉靖以前未設郡學堯年寄學大理發憤讀書歸教里人郡人知

學自堯年開之楊忠惠

和曲人寄學雲南府嘉靖中鳳繼祖之亂軍門議遣人招降無敢前

者忠惠承委即行為賊所害死甚激烈

**楊春震**

和曲人萬歷中舉人授湖廣夷陵州知州

夷陵有勢宦扶官害民春震除之聞父病即歸侍湯藥守喪哀毀庶母第二人春霖春霖相繼卒霽

妻辛氏守節遺一女震恤之倍已出事庶母盡禮杜門教授著述甚富

**楊元祐**

春震子以

副貢任趙州學正孫可望據滇迫以官力拒不受士論稱之

**陳此丹**

和曲人崇禎末奉母

避兵山中偶相失此丹號泣追尋薄暮有少婦乞  
隨行此丹却之竟夜不獲母渴甚將所負米囊置  
道旁覓水澗中比返母坐囊上問母何以至此母  
言黑夜行荆棘中力疲暫息不知為已囊也人以  
為孝義  
**藍碧**  
元謀人割股以愈母疾施穀以賑民  
所致  
饑又立義倉儲穀以佐官乏上官嘉

其孝義特  
旌其門

本朝徐升曜

元謀人官副將入蜀招撫王  
屏藩不屈遇害贈左都督

流寓明謝秉鉉

山陰人明末守武定罷官貧不能歸  
民愛之迎居和曲西村後卜居祿勸

尋卒元謀令馬  
之鵬表其墓

列女明張節妻李氏

和曲人年十八許聘未嫁節死  
誓不更字嘉靖七年兵變遂遇

一男子執其手即以刀自斷其手而死

**李含英女**

名五娘和曲人夫志養母不適人嘉

靖七年鳳朝文叛刎頸死

**成乃貞妻李氏**

和曲人嘉靖七年鳳朝文之變為賊所執

撞地而死州守為之立墓

**何天相妻高氏**

和曲人萬曆中阿克鄭舉為亂天相令同

走避難氏知無所避乃曰今日之事

**楊春霽妻辛**

**氏**

和曲人性貞靜通經史霽死氏年二十一守節集古今烈女事作小囊佩之年八十五有疾却

藥不進曰六十四年清白可隨夫于地下矣含笑而卒

**魏守恭妻胡氏**

人守

恭為千戶遠出萬曆中值阿克之變氏聞城陷率二子望闕叩首自縊死

**居之敬妻趙**

**氏**

元謀人崇禎末土賊陷城氏投井死

本朝陳璿妻李氏

武定州人年二十七夫卒子幼氏守節事舅姑以孝聞後子亦疾歿

又撫孫成立歷六十餘年雍正九年

旌楊又清妻何氏

元謀人年二十八夫亡氏

號泣不已日逐失明守節五十餘年教四子皆成名雍正九年旌

生員楊玉正妻

徐氏

武定州人與同州生員

太洵妻劉氏俱以節孝于乾隆十三年旌表又同州閭維綱妻

李氏李素衡妻陸氏亦先後旌表

生員康藩錫妻張氏

元謀人與同縣生員

康宏妻藍氏楊琮妻楊氏拜起龍妻安氏已景運妻趙氏俱以節孝于乾隆二年旌表

生員

楊多壽妻朱氏

祿勸人守節三十餘年旌表

仙釋明補鍋匠

無姓名以啞稱永樂間常憩獅山往來村落間業補鍋有從學者不索謝

但令負擔前行數載人不識也一日于南門外雪  
獅山道上揀柴枝作三字云要南下奄然而逝

**舫和尚**

永樂時常于極高處朗誦咏嘆人以為梵  
典也就探見袖中一冊不知何書見人至

輒貯袖中避他處深秋薄暮每登眺盤陀石上亦  
取袖中冊讀之住獅山或經年後來不知所往

**土產明礬**

元謀縣出

**礪石**

金沙江出

**龍腦石**

出獅子山有花紋質微脆

**五色**

**石斛**

出祿勸普渡河紺紅者佳

**梭羅木**

州境出

**巖羊**

祿勸縣出

欽定大清一統志卷三百八十四

元

江

州





元江州圖





金史卷之八

元江州表

兩漢三國漢晉宋齊梁隋唐宋元明

元江州

外州郡

縣平新

五州郡地

蒙氏置威遠  
贍屬銀據  
生節度

元明

至元二十五年置府

臨安廣西  
元江等處  
宣慰司  
樂

屬元江路

奉化州


羅必旬長

官司府  
郭後改州

初置平南縣屬南寧府

新平縣  
萬曆十九年  
置屬  
安府

安府



欽定四庫全書

欽定大清一統志卷三百八十五

元江州

在雲南省治西南七百九十里東西距一百二十五里南北距一千八百七十里東至臨

安府石屏州一百里西至鎮沅州界二百里南至車里宣尉司界一千六百里北至楚雄府南安州

五百里又東南至交趾老撾界一千三百四十里西南至普洱府界四百四十五里東北至臨安府

嶺峨縣界五百里西北至鎮沅州界四百里里自州治至京師八千九百九十里

分野天文東井輿鬼分野鶉首之次

建置沿革禹貢梁州荒裔漢益州郡徼外地唐時蒙

氏以其地屬銀生節度置威遠賧

明通志南詔徙白蠻蘇張周段

等十姓戍之又開威遠等處置威遠賧

宋時和泥蠻侵據其地

明通志宋

時儂智高之黨竄於此

後為步麼徙蠻阿楚諸部

所有元初內附尋復叛至元中遙立元江萬戶府

以羈縻之後於威遠更置元江路隸雲南行省明

洪武十五年改為元江府永樂四年改為元江軍

民府隸雲南布政使司

本朝順治十八年改曰元江府屬雲南省乾隆三十

十五年改直隸州領縣一

新平縣

在州北二百里東西距四百六十里南北距五百里東至臨安府岷縣界九十里

西至鎮沅州思樂縣界三百七十里南至本州界二百里北至楚雄府南安州界三百里東南至臨

安府石屏州界一百五十里西南至鎮沅州界九十六里東北至岷縣界五十里西北至思樂縣

界五百里本岷峨部地元初為岷峨千戶地至元中設平甸縣屬岷峨州後改平甸鄉仍隸岷峨縣

明為丁苴白蠻夷所據萬厯十九年討平之置新平縣屬臨安府本朝因之雍正九年改屬元江

府乾隆三十五年屬元江州

形勢東有禮社江西瞰瀾滄水北據自樂山南距交



趾界

明通志

三江合統諸緬遙牽崑崙為河馬籠列

嶂

府志

風俗地多瘴癘四時皆熱草木不凋一歲再收性懦

氣柔惟酋長蓄使

府志

楚人能居卑濕蒲蠻好居高

山

勝志

城池元江州城

周九里門四三

面瀕河舊土城元大德間築本朝順治十八年雍正七

年十三

年屢修新平縣城

周一里有奇門四環牆為濠明萬曆十九年築土牆於縣西五

里崇禎七年遷

今地為石城

本朝康熙三十七

年接築新舊二城使相連屬雍正十年又拓新城

直迺舊  
城之東

# 學校元江州學

在州治東北舊寄臨安建水州學  
本朝順治十六年遷建康熙五十二

年雍正九年重修  
入學額數二十名  
新平縣學  
在縣城東北舊寄元

學  
雍正九年重修  
入學額數八名  
北池書院  
在州治北明嘉

靖中  
建

# 戶口

本州皆係鹽  
戶尚未編丁

# 田賦

民田地三百五十七頃三分一厘屯田地無夷  
田六十三段共額徵銀五千一百七十六兩六

錢四分三厘夏稅秋糧四千五  
百一十四石六斗八升五合

山川玉臺山

在州城東五里舊志本名羅槃山凡二十五峰懸崖絕壁陰阨難登蒼翠如玉

望之  
若臺路通山

在州城東二十五里明通志舊名馬龍山北瞰禮社江高峯千仞虧蔽日月

一通志中有羊腸  
一線路出臨安

寶山

在州城西二十里圓如螺髻尖若柿簪俗傳皆有靈

酋藏寶于山  
之麓故名

因遠山

在州城西四十里山下有泉為仲夷溪分派潑田為仲夷

梁舊志在城西北七十  
里泉流瀑布下多村落

嵯峨山

在州城南二十里中峯嵯峨狀如卓

旗  
奇山

在州城北三十里舊名龍瓜山

天馬山

在

城東南十五里舊志秀如筆  
峯與嵯峨山對峙學宮前

自樂山

在州城東北十里明通志

作目樂山懸崖峭壁凡二十  
為南嶽今名棲霞山

按蒙氏封蒙樂山為南嶽

明通志於目樂山亦云蒙氏封為南嶽蓋自莽支樂山即蒙樂山訛蒙為目又訛目為自也

山在州城西北相近又有茶九龍山在州城西北山二山接普洱界俱產茶九龍山三百里產礦

名魚鳧場車里倚樓山在新平縣西七十里崇二司治在山之後

龍山在新平縣南五里長峰兩金營山在新平縣合橋如游龍團山居其中

為丁苴鎮元山在新平縣南五十里五桂山在新平縣北里故地

魯奎山在新平縣南六十里險僻高峻連接石圍屏元江諸處舊為野寇之藪今皆效順

山在新平縣西南水簾洞在新平縣西象山之中六里形如滿月

簾大江即摩沙勒江也一名馬龍江亦名鹿滄江自楚雄府舊碕嘉縣流經州境為里社之

上源臨安府志馬籠諸山在江之左羣山夾江其隘如峽通志明洪武中平緬

叛結塞於馬籠他即甸之元江在州城東南即禮

摩沙勒沐共遣將擊却之白屋江合瀾滄江流統州城東南經納樓家自南

達于海舊制自新平隸之三江口流入沿州治之

南繞東南入臨嶺峨河源出府西北峨峨山東南

安府納樓司界里峨峨河在新平縣東十里

流入禮平甸河在新平縣東十里

社江平甸河在新平縣東十里

水勢襟帶河在新平縣南自二龍疊水縣在新平

洶涌里源高數丈自上流下澎湃溫玉泉在州城西北

潺湲有霞氣上蒸流入大江十五里名勝

志石間迸出其色洪本泉在新城縣西一里邑

清碧其沸如湯城內外資其流灌

六埭塘

在新平縣舊新化州崆嶒鄉又有邦那圩及登竜渠在祿庫鄉縣志六埭塘相近有

洲刺

瑞木井

在新平縣東一里許其味甘冽源出木下其木一本三幹花葉皆異亦奇

也品

古蹟奉化故州

在城西一百二十里本名羅槃甸元為羅槃部元史地理志古西南彝地

阿雙諸部蠻自昔據之憲宗四年內附七年復叛率諸部築城以拒命至元十三年遂立元江府以羈縻之二十五年命雲南王討平之割羅槃等十二部於威遠立元江路明通志元江府附郭有因遠羅必甸長官司舊名羅槃甸屬元江府洪武初置長官司通志因遠羅必甸後改為奉化州舊亦以土官子孫分掌本朝平滇那嵩負固討平之順治十八年并為元江府

關隘猛甸關

在州境又有瓦阮關杉結白土巡司在

境府志土巡司方從化舊係魯魁山賊目本朝康熙二十七年總督范承勳委官招撫從此向化

題授世職又有水摩村巡司在府城了味巡司在東北六十五里舊有土官巡司戍守新

平縣境舊係魯魁山賊目至普為善于本朝康熙二十七年歸附授土巡司世襲舊又有摩沙勒

巡司南峒巡司皆阿恕甸在新平縣廢新化州東土官世襲今俱省

為縣境因遠驛在州城西因遠山下為往來必經最要地之地舊有知事一員乾隆三十五

年改因遠巡檢

津梁南安橋

在州城南門外又城西成橋在州城西

混龍橋

在州城西二十五里跨

藤橋

在州城一百里西康

濟橋

在州城北門外

義興橋

在州城北本朝康熙十年建

堤堰龍王廟堤

在新平縣廢新化州明隆慶六年知州來天蕙築溪水甃石堤以灌近州

田

祠廟忠義祠

在新平縣明騰衝衛叅將鄧子龍建祀陣亡將士

寺觀甘露寺

在州城東五里玉臺山本朝康熙九年建

妙蓮寺

在州城西南一

百三十里  
元時建

名宦明汪輔

雲南後衛指揮同知嘉靖間署元江知府政務便民有控訴至者不加鞭朴訓



以禮讓遣之至于軍衆  
禦以嚴明毫不敢犯

**李先芬**

明萬厯年間任新  
平知縣始建縣治

築鑿城池夷  
民咸德之

**秦元穗**

廣東人崇禎間任新平知縣  
改遷縣治建築磚城民祠祀

之

**本朝沈洪**

浙江人任新平縣典史署揚武溺巡檢  
事雍正十年探賊叛洪竭力禦賊死之

**王珏**

浙江人以巡檢管理青龍廠務  
探賊劫掠廠地珏不屈死之

**王昌**

寧夏人千  
總擊探賊

於喇博坡  
殺於陣

**汪自貴**

華陽人把總擊探賊於  
阿者奮勇赴敵死之

**丁先**

化開

人把總與賊戰於戶東山後殺于  
陣以上五人事聞俱賜贈廕

**人物元刁代**

元江人為本路安副使大德五年從征  
八百有功陞本路總管勇鸞過人部夷

畏服時洞蛟為孽代扶利劍入洞頃之水盡亦明  
代與蛟俱死沿河之民始得耕種歲歲祀之

**施大節**

元江人永樂中舉人歷知文州橫州慈愛  
廉明宣德二年遇有賊警大節繕甲兵聚

糧餉為守禦計及賊勢馬雲衢字廣字元江人天  
不可遏城陷力屈而死

天河縣有廉能聲邑中峒番肆出劫掠雲衢設  
法剿諭皆畏威不敢犯去任歸里行李蕭然

**本朝曹一彬**

新平人康熙初土酋祿益反圍新平執  
一彬令誘開城一彬入率民兵固守賊

攻不克李其紀元江人有孝行祿益之變其紀負  
賊得全母逃一日夜不休得免父歿後廬

墓三年有虎將應堂元江卒伍刳股療母母康天  
伏兔馴之應

**錫**

元江人為本營把總雍正十年張文秀新平人  
裸賊叛戰于他郎先登死之

把總分防揚武壩探賊至力屈賜贈郭羽宸河西人為

死之以上二人事間俱能孝養其母時探逆變母病驚死宸哀疏亦卒

流寓明周官

江西人能詩工草書性剛直敢言明末棄官遊滇從臨安入元江一時士人多

所請正後卒於郡

本朝鄧魁春

撫州人號梅庵學問綜博順治初至元江教授生徒多所成就

列女明馬宗範妻白氏

元江人年十六夫亡守節五十餘年同郡何源深妻曾氏

楊德先妻馬氏王諍妻黃氏俱夫卒苦節終身

何源清妻李氏

元江人年十八夫卒

哀痛服盡死

李儒妻楊氏

元江人年二十三夫卒氏欲以身殉姑知其有遺腹曲諭

之乃拮据棄事到股以瘠  
姑病生子希聖教之成名  
楊氏女元江人母孀居

母誓不適人勢家欲強娶之以死  
拒得免母歿獨處年至八十歲  
孫愈發妻雷氏

新平人年二十四夫亡守節六十餘年又  
同縣黃玠妻普氏皆於崇禎年間被旌

### 本朝孫廷紀妻張氏

新平人年十八適夫廷紀甫八月夫卒撫遺腹子象賢成名又

同縣王士麟妻普氏亦以苦  
節著皆康熙間旌表  
王德遠妻張氏新平人夫

為普威營兵鎮沅夷叛夫死于陣  
氏抱孤兒投火死雍正五年旌  
丁珏妻吳氏新平人夫

江人以巡檢管青龍廠務雍正十年  
死氏被虜不辱見殺事聞建坊旌表  
仍入節

孝父張顯妻楊氏元江人  
甘棠箐聞夫被殺夜回村居與

媳及孫媳陶氏女孫老妹自縊死又同郡陳萬言妻車氏媳鄧氏女孫玉花艾國用妻陶氏艾國樑

妻林氏艾承顯妻曾氏媳朱氏艾奇名女月止四妹姚春先母何氏妻艾氏李從龍母馬氏女二妹

三妹丁一鵬女丁妹新平縣楊守恕妻袁氏何昌舒鳳翮女馮妹舒鵬翮女金玉俱不辱而死

祖妻楊氏元江人與同州民馮星輝妻劉氏俱于乾隆二年旌表又吳會璘妻胡氏

于乾隆二十五年旌表魏正儒妻蘇氏新平人年十五適年旌表

撫遺腹子承禧至十五歲又役乃以侄承功為嗣守節三十餘年乾隆十七年旌表

仙釋月光道人正德間雲遊至郡結廬金蕉山麓凡坐不言日啖菜根少許如是數

年忽一日不知所往覓陳羽士嘉靖間棲東之見壁間書一絕句而去

郡嘗旱延至城中甘雨  
隨注居二十年化去

# 土產檳榔

一名仁頻樹高數丈旁無附枝正月作房四月開花每房百餘實正蘆子山

谷中夏花秋實土人採之曬乾貨賣**婁葉**家園通種葉大如掌葉藤于樹有花無果冬夏常青

採葉合檳柳食之味甚甘美**降真香**荔枝僅數本肉密多羅樹

數丈實從枝生大如冬瓜色似楊梅**抹猛果**形似木瓜夏月熟味酸**蘇木**鱗

**蛇膽**有黃黑二種長丈餘具四足能食鹿春夏在山秋冬在水土人取食之其膽治牙痛解諸

毒黃者更佳**白鷗****矮雞**俗名擺夷雞長黃魚金色**孔雀**

欽定大清一統志卷三百八十五

鎮


汧


邠

固



鎮沅州圖







鎮沅州表

兩漢

三國

漢晉

宋

齊

梁

隋

唐

宋

元

明

鎮

益州郡徽  
外地

沅州

縣

益州郡徽  
外地

樂

恩

縣

南詔  
府地  
銀生

置業板  
屬沅江路

鎮沅府  
洪武末置  
鎮沅州水  
樂初升為  
府屬雲南  
布政司

鎮沅府地

[illegible]